

通惠河志

通惠河志叙

奉議大夫水部郎

通惠河在都城之東鄙雖導北來諸水之  
故流而實宿昔未創之弘業也其在

先朝諸臣南北河洪經略之蹟亦已詳矣而  
都城直達坐省巨費之策何其寥寥而不  
講乎嘉靖初我

皇上赫然中興議禮制度諸物咸備曠代經濟  
之略尤所留心乃有憲臣上跡言其事輔

臣贊其議於是

上命部臣以董其役因尋元人故蹟以鑿以疏  
導神山馬眼二泉決榆沙二河之脉會一  
畝諸泉匯而為七里灤東貫都城由大通  
橋下直至通州高麗庄與白河通凡一百  
六十四里為閘一十有四不數月而工告  
成至今舟楫通利直達京城都人免陸輓  
之勞歲省浮費不下四十餘萬所以為公  
家利不小矣嗟乎創制立法古今所難矧

茲沙榆諸河源各有自人見環出都城水  
勢旋繞往往歸之形勝固也抑豈知天地  
所設又將為

當代漕運計耶是故疏川瀝澤神禹之烈也  
聖主以之為能成天地之功引渠通漕李守鄭  
農之業也諸臣以之不謂能興當世之利  
紕顧河渠形勢高下衝擊為患隨時築濬  
防守之功不無賴於後日置

勅使以司之斯亦重矣一中不類代履守職

通志卷之六  
不半歲漕政何裨繼茲邵君本以宏中殫  
心政業誠足以仰答

明命稱掌漕之寄公暇出舊圖編復加考訂庶  
軒輶所過洞見源委凡所倡議使後之掌  
漕之使奉而行之考所未聞則振脩廢事  
弘保漕渠雖曰在人其端豈不自茲乎  
嘉靖戊午之歲秋七月望日

工部尚書臣秦金等謹

題爲紀

聖政以攄愚藎事都水清吏司案呈奉本部送先  
於工科抄出浙江處州府知府吳仲奏稱先  
任監察御史奉

命開濬通惠閘河近因陞官之任道經河旁第念  
日遠人非無所於考掇拾古今事跡編成一  
書名曰通惠河志繕寫

進呈伏乞

通惠河志卷一  
賜覽

勅下所司刊刻成書用紀

中興

聖政之盛等因節奉

聖旨這所進通惠河志送史館采入會典仍著工  
部刊行欽此欽遵移文史館領出前書間有圖  
字差訛畧加修正寫刻已完案呈到部謹用  
摹印裝潢壹冊隨本

進呈

御覽臣等竊惟茲河之濬建議始於本官伏蒙宸衷獨斷迄于成功數年以來漕運通行

國計允賴所據吳仲建白勤事之勞似亦不可泯也伏乞

聖裁緣係紀

聖政以摠愚藎及節奉

欽依這所進通惠河志送史館采入會典仍著工部刊行事理未敢擅便謹題請

旨



嘉靖拾貳年肆月貳拾柒日

部尚書

臣

秦金

左侍郎

臣

林庭楫

右侍郎

臣

甘為霖

漿清吏司中

臣 丁洪

本月叁拾日奉

聖旨通惠河開濬委便糧運這志書既已刊刻著  
廣傳布以垂永久吳仲你每既說他有建白勤  
事之勞著吏部查有相應員缺推用欽此

何棟

嘉靖六年任辛巳進士  
陝西長安縣人見世壽郎

黃杭

十一年任癸未進士  
福建平海衛人

劉悌

十二年任癸未進士  
湖廣枝江縣人

吳嘉祥

十二年任舉人

盧應禎

十四年任癸未進士  
山東肥城縣人

周鎬

十七年任壬辰進士  
浙江慈谿縣人

許仁卿

十九年任戊子解元  
浙江臨海縣人

張遜

二十年任王辰進士  
直隸高郵衛人

范之箴

二十三年任乙未進士  
浙江秀水縣人

劉廷誥

二十五年任戊戌進士  
浙江慈谿縣人

李澗

二十七年任辛丑進士  
山東萊陽縣人

陳銓

二十七年任戊戌進士  
直隸吳縣人

荆應春

二十八年任戊戌進士  
河南武陟縣人

趙介夫

三十一年任辛丑進士  
直隸阜城縣人未任而薨

王

嵩

三十一年任辛丑進士  
浙江餘姚縣人

趙

勅

三十二年任乙酉舉人  
四川內江人

徐應奇

三十二年任辛卯舉人  
錦衣衛人

周恩兼

三十三年任丁未進士  
直隸華亭縣人

李

淑

三十三年任庚戌進士  
湖廣京山縣人

汪一中

三十四年任甲辰進士  
直隸歙縣人

陳茂禮

三十五年任庚戌進士  
浙江慈谿縣人

邵德久

三十五年任甲午舉人  
浙江餘姚縣人

吳遵晦

三十七年任癸丑進士  
浙江錢塘縣人

鈔介

四十年任癸丑進士  
河南彰德衛人

丘瓚

四十一年任丁未進士  
留守衛籍福建人

蔣弘德

四十二年任丙辰進士  
四川巴縣人

陶幼學

四十三年任己未進士  
浙江會稽縣人

王元敬

四十四年任己未進士  
浙江山陰縣人

劉經緯

四十五年任壬戌進士  
江西進賢縣籍南昌縣人

李

汶

四十五年任壬戌進士  
直隸任丘縣人

呂

藿

隆慶元年任壬戌進士  
湖廣零陵縣人

崔孔昕

隆慶二年任癸丑進士  
山東濱州人

陳應薦

隆慶五年任乙丑進士  
山東青城縣人

通惠河志目錄

卷上

通惠河源委圖

通惠河圖

通惠河考畧

閘壩建置

公署建置

修河經用

經理雜記

通惠河志卷一  
夫役沿革

部院職制

卷下

奏議

碑記

通惠河志目錄終



通惠河志卷上

通惠河源委圖

桑乾河


唐縣橋


大通橋

西

榆河

水






臣謹按通惠河源出昌平州白浮村神山泉西南會壹畝馬眼諸泉繞出甕山後匯為柒里東入都城西水門貫積水潭又稍東由月橋入

內府環繞

宮殿南出玉河橋水門東行合南北城河貳流由大通橋而東下焉

通惠河圖




公館



平津中關

平津上關




公館




平津下關



公館





臣謹按通惠河自大通橋至張家灣渾河  
嘴計伍拾餘里凡玖閘因議搬運之法運  
船泊通州北關由新壩而入通流迤南諸  
閘水雖流而船不行矣權宜之術也原議  
通州西水關外并新壩初閘貳座諸閘真  
可不用矣蓋地至通州而愈下水至通州  
而愈急必欲貳閘者猶尾閘然不然終有  
衝決之患後當驗之



通惠河考畧

元史世祖至元貳拾玖年郭守敬上言水利  
拾有壹事其壹欲導昌平縣白浮村神山泉  
過雙塔榆河引壹畝玉泉諸水入城匯於積  
水潭復東折而南入舊河每拾里置壹閘以  
時蓄洩帝稱善復置都水監命守敬領之丞  
相以下皆親操畚鍤為之倡河自白浮村至  
通州高麗莊長壹百陸拾肆里塞泄水缺口  
拾貳處為鍤貳拾有肆置閘之處徃徃於地

通惠河志卷一  
中得舊時軌木人服其識逾年畢工自是免  
都民陸輓之勞公私便之帝自上都還過積  
水潭見舳艫蔽水大悅賜名曰通惠

入  
臣謹按通惠河即元郭守敬所修故道也

國朝百陸拾餘年沙衝水擊幾至湮塞但上有  
白浮諸泉細流常涓涓焉成化丙申嘗

命平江伯陳銳疏通以便漕運漕舟曾直達大通  
橋下父老尚能言之射利之徒妄假黑青

之說竟為阻壞正德丁卯又嘗

命工部郎中畢照戶部郎中郝海叅將梁璽復通  
通之所費不貲功卒不就其勢雖歷于權  
豪要之終人者亦不能無罪焉嗣是屢有  
言者多不得其要蓋言無補嘉靖丁亥  
巡視通者往來相度因見水勢陡峻直達  
艱難踵御史向信之言為搬剝之說恭遇

皇上神明言入即悟賢宰相實力贊之隨

命臣暨工部郎中何棟戶部郎中尹嗣忠叅將陳

璠同往修之工興於戊子貳月告成於本年伍月不肆月而糧運通行上下快之是年所費纔柒阡兩運糧貳百萬石所省腳價拾貳萬兩備見諸奏功完仍

命臣供職如舊又適年而始得代初年止運軍糧今則臣民艱難運之要之水能行舟舟能負重所謂多多益善斷乎無不可者其有所不可者乃治河者之罪非河之罪也但地形高下不無衝擊之患歐陽玄所謂勢

如建瓴壺蟻穴之漏則橫潰莫制誠如是  
言也隨時修濬防守之功尚有賴于後之  
臣工焉

閘壩建置

慶豐上下貳閘在大通橋東伍里至元貳拾玖年始建木閘名籍東閘至順元年重建石閘改名慶豐

本朝成化正德嘉靖年凡參修之

平津上下貳閘在慶豐閘東拾壹里下閘去上閘肆里至元貳拾玖年始建木閘名郊亭閘延祐以後重修石閘改名平津

本朝成化正德嘉靖年凡參修之

晉濟下閘在平津下閘東拾叁里至元貳拾玖年始建木閘名楊尹閘延祐以後重修石閘改名晉濟上閘廢

本朝成化正德嘉靖年凡叁修之

通流閘在晉濟閘東拾貳里至元貳拾玖年始建木閘延祐以後重修石閘改名通流本朝成化正德嘉靖年凡叁修之

石壩壹座在通州北關外嘉靖柒年新創工程之費于閘半之

公署建置

大通橋督儲館壹座頭門叁間耳房拾間大  
廳伍間東西廂房陸間高雲亭叁間廚房  
貳間嘉靖崇年新建所欠者後堂而已又  
慮驟雨糧無堆垛議蓋廠房肆拾間尚因  
循焉

慶豐閘公館壹座頭門壹間耳房陸間正廳  
叁間廚房壹間閘官公廨前後陸間龍王  
廟壹座嘉靖崇年新建



平津上閘公館壹座頭門壹間耳房貳間正  
廳叁間廂房肆間廚房壹間嘉靖柒年新  
建

平津下閘公館壹座頭門壹間耳房貳間正  
廳叁間廂房肆間廚房壹間嘉靖柒年新  
建

普濟閘公館壹座頭門壹間耳房貳間正廳  
叁間廂房肆間廚房壹間嘉靖柒年新建  
石壩公館壹座頭門叁間正廳叁間廂房陸

間後廳叁間廂房肆間廚房壹間天妃宮  
壹座嘉靖柒年新建

都水分司壹座坐落通州舊城內頭門叁間  
正廳伍間後廳伍間後堂伍間前後左右  
廂房共拾貳間廚房肆間嘉靖捌年該臣  
題奉

欽依新建

修河經用

至元貳拾玖年

壹役過人夫貳百捌拾伍萬工

壹用過鈔壹百伍拾貳萬米叁萬捌阡柒

百石

壹用過木拾陸萬叁阡捌百根

壹用過銅鐵貳拾萬斤油灰麻稱是

成化柒年

正德貳年

壹委用過軍衛有司官指揮樊靖等貳拾

柒員

壹支用過太倉腳價戶部折糧銀共肆萬伍百柒拾壹兩零

壹疏通過大通橋月河并通州河計陸拾壹里零

壹修理過大通等橋慶豐等閘壹拾貳座壹築補過堤岸土壩肆拾壹處共長壹仟伍拾丈零

嘉靖柒年

壹委用過軍衛有司指揮等官葉茂余錠  
等貳拾玖員

壹支用過巡倉賊罰漕運脚價銀陸阡捌  
百玖拾兩零銅錢貳萬伍百文零米壹  
百貳拾叁石零

壹支用過通倉官軍堤夫行糧叁阡柒百  
叁拾石零

壹支用過通州抽分等廠木板等項共陸

阡壹百零捌根片

壹支用過料輓廠半段輓壹拾伍萬塊  
壹拆用過尼姑等寺房共壹百貳拾玖間  
壹借用過通州左等衛武清等縣軍夫隄  
夫共叁阡柒百貳拾名

壹雇募過夫匠共壹拾壹萬肆阡柒拾工  
該銀肆阡貳百捌拾兩零

壹置買過木植輓瓦灰韋鋤鑿等項共玖  
阡柒百捌拾肆根片箇斤石把疋

壹修理過大通橋壹座慶豐等閘陸座  
壹挑濬過河道貳拾壹里零壹拾叁丈  
壹蓋造過官廳廠房共壹百貳拾伍間  
壹新築石壩壹座高壹丈陸尺長貳拾丈  
闊壹拾壹丈

壹新開泊船潭并河叁處共長叁百玖拾  
肆丈闊玖丈

壹新開搬糧小巷叁處

壹新築堤岸壹拾伍處共長陸百伍拾肆

丈



經理雜記

剥船參百隻分為伍閘每閘該船陸拾隻其始也官為應銀造於淮安廠經紀領之參年扣還原價自後責之經紀官無預焉

各閘兩岸之傍自大通橋至張家灣俱工部官地通計壹拾參頃柒拾肆畝貳分伍釐每畝徵麻貳拾伍斤共該徵麻參萬肆仟參百伍拾陸斤肆兩備各閘繩索之用工部領之

慶豐閘原額麻地壹頃捌拾玖畝貳分共該  
徵麻肆阡柒百叁拾斤

平津閘原額麻地叁頃陸拾伍畝陸分共該  
徵麻玖阡壹百肆拾斤

晉濟閘原額麻地肆頃壹拾貳畝伍分伍釐  
共該徵麻壹萬叁百壹拾叁斤拾貳兩  
通流閘原額麻地肆頃陸畝玖分共該徵麻  
壹萬壹百柒拾貳斤捌兩

夫役沿革

慶豐等玖閘成化年間原設閘官肆員閘吏肆名閘夫陸百肆拾柒名後因閘運不行止存閘官壹員閘吏壹名閘夫捌拾捌名嘉靖柒年因修河通運不時起閉添設閘官壹員閘夫壹百名前項夫役照舊民間應當而所添夫役動支扣省腳價雇募既不勞軍亦不損民亦善策也

經紀貳百名專管剥運糧米張家灣舊有起

糧經紀聽與運軍自為相識往往詎拐脚  
價負累官軍嘉靖捌年該臣題奉  
欽依揀選充當真可行之永久而無弊矣

車戶陸拾名專管大通橋搬送糧米進倉嘉  
靖柒年選充

小脚壹百零伍名專管搬運糧米過閘壩大  
通慶豐上下平津普濟各拾伍名石壩叁  
拾名嘉靖柒年選充

部院職制

景泰貳年通倉專差御史壹員京倉巡城御史帶管壹事分屬貳人實為掣肘難行屢該科道官建言為權豪所阻不果恭遇聖明改屬壹官加以提督字面深切人情允合治體疲軍自是少蘇而中官自是不便矣

成化年間通州以上開座專設工部主事壹員管理今因開運通行主事權輕改設郎中通州住劄帶管天津堂帶河道兼督理

糧運今偶以通政領之隨官差用無定例也

通州原無漕運叅將正德年間嘗設之不可為例嘉靖崇年濟河修閘議照正德貳年梁園事例添差叅將壹員今河道通行此官似為多設方議裁省

通惠河先未運糧原無戶部屬官之差嘉靖崇年濟河修閘議照正德貳年郝海事例添差郎中壹員河道既行尚有僨運之責

戶部題奉

欽依每年差郎中或員外郎壹員督理糧運禁革  
奸弊今事體已定人習慣熟况肆拾里之  
內亦甚易制工部官責專事簡相應帶管  
恐日久官多人擾反不便於漕運前項官  
員亦宜裁省

通惠河志卷下

奏議

巡按直隸監察御史臣吳仲謹

題為計處

國儲以永圖治安事臣奉

命巡視通倉備檢接管卷內見通州開運壹節先  
該平江伯陳銳都御史李裕臧鳳俞諫高友  
璣御史薛為學楊儀楊璋秦鉞向信主事鄺  
玠給事中翟瓚鎮遠侯顧仕隆署都督楊宏



等各題前事內向信壹疏尤為明白簡當鑿  
鑿可行但事屢議而竟無成言雖切而卒無  
補臣竊思之水陸轉運其勞逸省費較然甚  
明况陳銳等名累

朝漕運名臣言必不妄臣因考之元史至元貳  
拾玖年都水監郭守敬建言疏鑿通州通惠  
河引水置閘興工之日世祖命丞相以下皆  
親操畚鍤為之倡置閘之處徃徃於地中得  
舊時磚木時人為之感服船既通行公私兩

便先時通州王大都伍拾里陸輓官糧歲若  
千萬民不勝其瘁至是皆罷之自是漕運無  
轉般之勞而壹代事功卒歸於守敬焉及考  
金水海子白浮甕山諸志典籍昭然而可據  
踪跡尚在而可尋何獨至於我

朝必欲置閘河於無用費腳價而不惜哉臣又  
恐有風水家之說因訪之上源見於諸

陵無損溯其末流又於都城無害且源頭活水  
運亦流不運亦流初不因運之行止而為河

之開塞水之盈涸此理甚明足破羣惑况通  
流等捌閘閘石見存無事於添補閘夫見在  
無事於添僉閘官見任無事於添設近年營  
建大木皆由此河直達大通橋下滔滔無阻  
叅將王佐曾舉而行之特易易耳但每至垂  
成輒復中止者祇為權勢之車輛罔利之牙  
稅不便所阻臣又考之元史漕運糧儲南來  
諸物商賈舟楫皆由通惠河直達海子登岸  
未聞灣民餓死况今止通軍民糧運其官私

貨物仍舊亦未為全絕臣利源也臣嘗竊料  
閘運壹年可省腳價銀拾餘萬兩今當民窮  
財盡之時於

國計不為無補臣幾欲具疏

上聞尤恐識見未真料理未周不果繼而見在京  
各衛因往通州關糧或被官吏冒支或被行  
伍騙匿或子姪不肖而花費空手而回或陰  
雨連旬而放遲盤纏過半累累呈告到臣皆  
為有名無實臣因考之漢唐都關中宋都河

南皆由汴由渭直達京師未聞有貯國儲於  
伍拾里之外者我

朝通倉其初如徐德等倉故事只有神武中衛  
小倉已後因漕運來遲暫將京儲收貯通州  
以待轉般因循苟且歲月既久遂為參差定  
例嗣是莫之能改遂使壹代官軍不霑實惠  
又欲具疏

上聞未果然此特廿八利害之小者耳臣近因窰運  
邊糧備訪邊州寨堡險隘遠近以防不虞因

知密雲等處皆有間道可通若使姦細為之  
向導輕騎疾馳旋日可至或據倉廩或肆燒  
燬

國儲壹空則京師坐困矣雖有言者但以開運  
省費為言而卒莫有以先代之故事間道之  
危機為

陛下告者是宜

陛下信之不專行之不決也語曰人無遠慮必有  
近憂傳曰成大事者不謀於衆惟

通志卷下  
四  
陛下留神省察謀之貳參元老大臣而獨斷焉萬  
壹臣言或是誤蒙

採納即今漕運會議在邇乞

勅戶工貳部查照先今節次題覆事例壹併議處  
就著巡倉御史會同工部管閘修倉主事兼  
理閘運閘板見存修補借之各廠少有疏濬  
并其他用度量支修倉餘剩巡倉賊罰并所  
省脚價民財民力壹不妄費大運京糧姑聽  
陸路自進且令覓船雇人畧運百萬以試之

如果可行就將省下銀兩蓋房造船築堤展  
河次第舉行所謂參差通糧漸撥京師自貳  
捌壹玖而全輸矣興

國家自然無窮之利杜後世意外不測之虞所  
謂富國強兵殆壹舉而兩得之矣等因奉  
聖旨戶工貳部便查議了來說欽此

嘉靖陸年玖月初肆日



工部等部尚書等官臣童瑞等謹

題為計處

國儲以永圖治安事該本部會題都水清吏司  
案呈奉本部送准戶部咨雲南清吏司案呈  
奉本部送於戶科抄出巡按直隸監察御史  
吳仲題奉

命巡視通倉備檢接管卷內見通州開運臺節先  
該平江伯陳銳都御史李裕斌鳳俞諫高友  
璣御史薛為學楊儀揚璋秦鉞向信主事鄭

珩給事中翟璜鎮遠侯顧仕隆署都督楊宏  
等各題前事內向信壹疏尤為明白簡當鑿  
鑿可行但事屢議而竟無成言雖切而卒無  
補臣竊思之水陸轉運其勞逸省費較然甚  
明况陳銳等多累

朝漕運名臣言必不妄臣因考之元史至元貳  
拾玖年都水監郭守敬建言疏鑿通州通惠  
河引水置閘興工之日世祖命丞相以下皆  
親操畚鍤為之倡置閘之處徃徃於地中得

舊時磚木時人為之感服船既通行公私兩便先時通州至大都伍拾里陸輓官糧歲若千萬民不勝其瘁至是皆罷之自是漕運無轉般之勞而壹代事功卒歸於守敬焉及考金水海子白浮壅山諸志典籍昭然而可據踪跡尚在而可尋何獨至於我

朝必欲置閘河於無用費脚價而不惜哉臣又恐有風水家之說因訪之上源見於諸陵無損遡其末流又於都城無害且源頭活水

運亦流不運亦流初不因運之行止而為河之開塞水之盈涸此理甚明足破羣惑况通流等捌閘閘石見存無事於添補閘夫見在無事於添僉閘官見任無事於添設近年營建大木皆由此河直達大通橋下滔滔無阻叅將王佐曾舉而行之特易易耳但每至壅成輒復中止者祇為權勢之車輛固利之牙稅不便所阻臣又考之元史漕運糧儲南來諸物商賈舟楫皆由通惠河直達海子登岸

未聞灣民餓死況今止通軍民糧運其官糧  
貨物仍舊亦未為全絕其利源也臣嘗竊料  
閘運壹年可省脚價銀拾餘萬兩今當民窮  
財盡之時於

國計不為無補

臣幾欲具疏

上聞尤恐識見未真料理未周不果繼而見在京  
各衛因往通州關糧或被官吏胥支或被行  
伍騙匿或子姪不肖而花費空手而回或陰  
雨連旬而放遲盤纏過半累累呈告到臣皆

為有名無實臣因考之漢唐都關中宋都河南皆由汴由渭直達京師未聞有貯國儲於伍拾里之外者我

朝通倉其初如徐德等倉故事只有神武中衛小倉已後因漕運來遲暫將京儲收貯通州以待轉般因循苟且歲月既久遂為參差定例嗣是莫之能改遂使壹代官軍不霑實惠又欲具疏

上聞未果然此特其利害之小者耳臣近因窺運

邊糧備訪邊關寨堡險隘遠近以防不虞因  
知密雲等處皆有間道可通若使姦細為之  
向導輕騎疾馳旋日可至或據倉廩或肆燒  
燬

國儲壹空則京師坐困矣雖有言者但以開運  
省費為言而卒莫有以先代之故事間道之  
危機為

陛下告者是宜

陛下信之不專行之不決也語曰人無遠慮必有

近憂傳曰成大事者不謀於衆惟

陛下留神省察謀之貳叁元老大臣而獨斷焉萬

壹臣言或是誤蒙

採納即今漕運會議在過乞

勅戶工貳部查照先今節次題覆事例壹併議處  
就著巡倉御史會同工部管閘修倉主事兼  
理閘運閘板見存修補借之各廠少有疏濬  
并其他用度量支修倉餘剩巡倉贓罰并所  
省脚價民財民力壹不妄費大運京糧姑聽



陸路自進且令覓船雇人畧運百萬以試之  
如果可行就將省下銀兩蓋房造船築堤展  
河次第舉行所謂叁柒通糧漸撥京師自貳  
捌壹玖而全輸矣興

國家自然無窮之利杜後世意外不測之虞所  
謂富國強兵殆壹舉而兩得之矣等因具題  
奉

聖旨戶工貳部便查議了來說欽此欽遵抄出送  
司案呈到部擬合就行為此合咨前去煩為

查照會議覆

奏施行等因咨部送司查得成化拾捌年該漕  
運總兵官平江伯陳銳題為陳言便利漕運  
事該戶部議准興工挑濬間該司禮監太監  
懷恩傳奉

聖旨大通橋壺帶工費浩大暫且停止欽此正德  
貳年該巡按直隸監察御史楊儀題為公務  
事開稱挑濬大通橋至通州閘河以便運糧  
等因奏行戶部覆奉

聖旨修理開河著戶工貳部上緊議處預先整理  
務濟明年漕運其餘俱准議行欽此已經動支  
太倉收貯水兌腳價等銀貳萬貳千餘兩推  
委漕運叅將梁璽協同戶部郎中郝海本部  
員外郎畢昭興工挑濬去後未見成功至正  
德陸年間據本部管開委官主事鄺珩為節  
財裕民以圖治安事呈准每年行取剝船伍  
百隻添該開夫叅百名以備搬剝等因奉  
聖旨前項夫船俱令查革以正仍著運糧官軍自

行照舊雇車般運欽此又於正德拾壹年  
月內該工科給事中翟璫題為疏通漕運節  
財用以大利軍民事修理運道徒費無益乞  
要多官會議開修運河等因奉

聖旨該衙門知道欽此欽遵抄出到部行開該  
監察御史張欽題為節財用順人情以利軍  
民事運河不必修濬陸路實為簡便等因又  
經本部會官議題節奉

聖旨是這修理等項事宜著原差侍郎等官一併

勘處停當來說欽此備行巡撫都御史李瓚巡  
按直隸監察御史牛天麟并戶部主事等官  
董璚等看得前項河道屢議屢修而卒無成  
功者陸路實為經久等因節奉

聖旨是這修路事宜你每勘處停當都依擬行欽  
此已經欽遵會官將前項陸路

欽差戶部侍郎楊潭本部侍郎劉永督理修砌完  
備外又查得嘉靖元年肆月內准戶部咨開  
稱提督漕運都御史臧鳳鎮遠侯顧仕隆題

京城大通橋至張家灣壹帶河道乃前元轉運通渠永樂正德年間重加挑濬糧運抵京未幾貪利之徒阻滯不行近年營建大木悉由於此若將此河原設伍閘少加修理轉行漕運衙門動支官錢打造剝船共貳百伍拾隻每船用軍肆名共壹阡名仍置口袋壹萬條輪番領裝悉聽叅將王佐委撥官軍管領撐駕等因已經戶部會同吏部等衙門尚書等官陸完等題

准轉行叅將王佐會同巡倉御史秦鉞本部管閘  
主 華湘欽遵從宜處置間隨該御史秦鉞  
亦題前事要因捌閘之舊址均築伍壩之新  
制就於其旁各置減水閘壹座於內打造剝  
船蓋造官房收貯糧米次第運至大通橋其  
朝陽關原有舊河壹道今已築為城壕應否疏  
通等因題奉

聖旨該部看了來說欽此抄出查覆間又該巡按  
直隸監察御史向信題稱大通橋至通州壹

帶閘河累議未修今稱築壩蓋房不必置蓋  
每閘轉行漕運衙門打造剝船伍陸拾隻恐  
緩不濟事或暫令張家灣河西務壹帶居民  
聽其造船覓利等因本部已經議得陸路運  
至太倉不過肆拾伍里車運脚費雖多壹日  
可抵倉內船運脚費極省至大通橋下亦當  
陸運約肆伍里必須車羸裝駝方得抵倉所  
以近橋須立廠蓋房堆候車羸亦當預處且  
自張家灣即入閘河經閘叁肆方抵通州近



該叅將王佐處置運船俱由大河直抵通州  
城下或者又謂城北置創壹閘可省前項肆  
閘雖為捷徑但河勢地形高下須相度停當  
方可舉行等因覆奉

聖旨是欽此已經通行勘議去後近查得嘉靖伍  
年叁月內該總督漕運都御史高友璣總兵  
官楊宏各題修治道路以便運餉事張家灣  
至京城陽關外運道陸拾餘里高下不平  
先因雨水衝坍車贏負載米糧俱遭陷溺乞

要戶工貳部計議早起人夫差官設法填墊  
或欲開河修濬疏通船隻水陸併行等因又  
經議擬覆奉

聖旨是戶工貳部便差能幹屬官壹員前去會同  
巡城巡倉等官督率府州縣應管人員相度修  
理務在早完以便糧運開運事且罷欽此已經  
通行委官行勘修理間緣夏秋時月雨水連  
綿道路泥濘車不得行反為運道之阻合無  
查照先年運官萬表所議量撥軍夫隨處填

墊特目前壹時之急等因覆奉

聖旨是欽此已經轉行提督漕運總兵官楊宏賁  
撥軍夫填墊外今該前因通查案呈到部臣  
等會同戶部尚書鄒文盛等議得巡按直隸  
御史吳仲題稱通州閘運屢議而竟無成及  
考諸志與籍乞照先年節次題覆事例壹併  
議處就着巡倉御史會同該部管閘修倉主  
事兼理閘運量支修倉餘剩巡倉賊罰并所  
省脚價民財民力壹不妄費如果可行就將

省下腳價蓋房造船築堤展河次第舉行壹  
節為照前項河道屢經建議俱未成功今本  
官歷陳先代之故事慮及間道之危機省費  
轉輸皆有所據但河道形勢難度財力所需  
浩繁事體重大相應勘處停當方可舉行合  
無候

命下之日戶部選委屬官壹員與本部管閘修倉  
主事會同巡倉御史親詣各閘踏勘形勢高  
下計料所費工力除各閘壹應椿板等項應

合增置船隻修房築堤及河道淺窄處所作  
何挑濬及將上源水勢向背地里遠近可以  
疏引水歸故道及照大通橋抵倉亦合另設  
陸運作何處置各項合用工料錢糧所奏修  
倉餘剩巡倉贓罰及所省腳價有無穀用務  
從長便經久可行逐壹會處停當通將勘過  
河道高下及所計工程畫圖造冊回報以憑  
會

請裁奪若或有礙亦要明白開呈勿致中止虛費

財力其所議通糧全輸京倉以興無窮之利  
以杜意外之虞姑候修河畢日另行會處等  
因奉

聖旨修濬閘河委係轉漕便利至計永樂年間已  
有成算後乃因循不曾舉行近年屢議修復皆  
為附近貪利之徒所阻亦因大臣不肯任事小  
官徒事虛文見今東南民力困竭漕運軍士疲  
敝苟有寬省之策豈可因循不為著戶工貳部  
各委堂上官壹員會同漕運總兵叅將并原經

委錦衣衛都指揮王佐及今舉奏這事御史吳仲親詣彼處地方稽查先今議處事宜踏勘地形高下計筭所費工力究竟修否得實利害明白具奏定奪大事可成則勞費不足計國計有補則浮言不必恤若姦豪之人恐妨已利故違騰謗撓阻聽緝事衙門訪拏究問欽此

嘉靖陸年玖月拾伍日

戶部等衙門右侍郎等官臣王軌等謹

題為計處

國儲以永圖治安事各准本部咨該工部題於  
戶科抄出巡按直隸監察御史吳仲題稱奉  
命巡視通倉備檢接管卷內見通州開運壹節先  
該平江伯陳銳都御史李裕臧鳳俞諫高友  
璣御史薛為學楊儀楊璋秦鉞向信主事鄺  
珩給事中翟瓚鎮遠侯顧仕隆署都督楊宏  
等各題前事內向信壹疏尤為明白簡當鑒



鑿可行但事屢議而竟無成言雖切而卒無  
補臣竊思之水陸轉運其勞逸省費較然甚  
明况陳銳等多累

朝漕運名臣言必不妄臣因考之元史至元貳  
拾玖年都水監郭守敬建言疏鑿通州通惠  
河引水置閘興工之日世祖命丞相以下皆  
親操畚鍤為之倡置閘之處徃徃於地中得  
舊時磚木時人為之感服船既通行公私兩  
便先時通州至大都伍拾里陸輓官糧歲若

千萬民不勝其瘁至是皆罷之自是漕運無轉般之勞而壹代事功卒歸於守敬焉及考金水海子白浮壩山諸志典籍昭然而可據踪跡尚在而可尋何獨至於我

朝必欲置閘河於無用費腳價而不惜哉臣又恐有風水家之說因訪之上源見於諸

陵無損遡其末流又於都城無害且源頭活水運亦流不運亦流初不因運之行止而為河之開塞水之盈涸此理甚明足破羣惑况通

派等捌閘閘石見存無事於添補閘夫見在  
無事於添僉閘官見任無事於添設近年營  
建大木皆由此河直達大通橋下滔滔無阻  
叅將王佐曾舉而行之特易耳但每至垂  
成輒復中止者祇為權勢之車輛固利之牙  
稅不便所阻臣又考之元史漕運糧儲南來  
諸物商賈舟楫皆由通惠河直達海子登岸  
未聞灣民餓死況今止通軍民糧運其官私  
貨物仍舊亦未為全絕其利源也臣嘗竊料

開運壹年可省脚價銀拾餘萬兩今當民窮財盡之時於

國計不為無補

臣幾欲具疏

上聞尤恐識見未真料理未周不果繼而見在京各衛因往通州關糧或被官吏冒支或被行伍騙匿或子姪不肖而花費空手而回或陰兩連旬而放遲盤纏過半累累呈告到臣皆為有名無實臣因考之漢唐都關中宋都河南皆由汴由渭直達京師未聞有貯國儲於

伍拾里之外者我

朝通倉其初如徐德等倉故事只有神武中衛  
小倉已後因漕運來遲暫將京儲收貯通州  
以待轉般因循苟且歲月既久遂為參差定  
例嗣是莫之能改遂使當代官軍不需實惠  
又欲具疏

上聞未果然此特其利害之小者耳巨近因竈運  
邊糧備訪邊關寨堡險隘遠近以防不虞因  
知密雲等處皆有間道可通若使姦細為之

向導輕騎疾馳旋日可至或據倉廩或肆燒燬

國儲壹空則京師坐困矣雖有言者但以開運省費為言而卒莫有以先代之故事間道之危機為

陛下告者是宜

陛下信之不專行之不決也語曰人無遠慮必有近憂傳曰成大事者不謀於衆惟

陛下留神省察謀之貳參元老大臣而獨斷焉萬

通典卷之九  
手  
壹臣言或是誤蒙

採納即今漕運會議在邇乞

勅戶工貳部查照先今節次題覆事例壹併議處  
就著巡倉御史會同工部管閘修倉主事兼  
理閘運閘板見存修補借之各廠少有疏濬  
并其他用度量支修倉餘剩巡倉賊罰并所  
省腳價民財民力壹不妄費大運京糧姑聽  
陸路自進且令覓船雇人畧運百萬以試之  
如果可行就將省下銀兩蓋房造船築堤展

河次第舉行所謂急采通糧漸撥京師自貳  
測壹玖而全輸矣興

國家自然無窮之利其後世意外不測之虞所  
謂富國強兵殆壹舉而兩得之矣等因具題  
奉

聖旨戶工貳部便查議了來說欽此欽遵抄出送  
司案呈到部擬合就行為此合咨前去煩為  
查照會議覆

奏施行等因咨部送司查得成化拾捌年該漕



運總兵官平江伯陳銳題為陳言便利漕運  
事該戶部議准與工挑濬間該司禮監太監  
懷恩傳奉

聖旨大通橋壹帶工費浩大暫且停止欽此正德  
貳年該巡按直隸監察御史楊儀題為公務  
事開稱挑濬大通橋至通州間河以便運糧  
等因奏行戶部覆奉

聖旨修理閘河著戶工貳部上緊議處預先整理  
務濟明年漕運其餘俱准議行欽此已經動支

太倉收貯水兌腳價等銀貳萬貳千餘兩推委漕運叅將梁璽協同戶部郎中郝海本部員外郎畢昭興工挑濬去後未見成功至正德陸年間據本部管閘委官主事鄺珩為節財裕民以圖治安事呈准每年行取剝船伍百隻添該閘夫叅百名以備搬剝等因奉

聖旨前項夫船俱令查革改正仍著運糧官軍自行照舊雇車般運欽此又於正德拾壹年捌月內該工科給事中翟瓚題為疏通漕運節財

用以大利軍民事修理運道徒費無益乞要  
多官會議開修運河等因奉

聖旨該衙門知道欽此欽遵抄出到部行間續該  
監察御史張欽題為節財用順人情以利軍  
民事運河不必修濬陸路實為簡便等因又  
經本部會官議題節奉

聖旨是這修理等項事宜著原差侍郎等官壹併  
勘處停當來說欽此備行巡撫都御史李瓚巡  
按直隸監察御史牛天麟并戶部主事等官

董琦等看得前項河道屢議屢修而卒無成  
功者陸路實為經久等因節奉

聖旨是這修路事宜你每勘處停當都依擬行欽  
此已經欽遵會官將前項陸路

欽差戶部侍郎楊潭本部侍郎劉永督理修砌完  
備外又查得嘉靖元年肆月內准戶部咨開  
稱提督漕運都御史臧鳳鎮遠侯顧仕隆題  
京城大通橋至張家灣壘帶河道乃前元轉  
運通渠永樂正德年間重加挑濬糧運抵京

未幾貪利之徒阻滯不行近年營建大木悉  
由於此若將此河原設伍閘少加修理轉行  
漕運衙門動支官錢打造剝船共貳百伍拾  
隻每船用軍肆名共壹阡名仍置口袋壹萬  
條輪番領裝悉聽叅將王佐委撥官軍管領  
撐駕等因已經戶部會同吏部等衙門尚書  
等官陸完等題

准轉行叅將王佐會同巡倉御史秦鉞本部管閘  
主事華湘欽遵從宜處置間隨該御史秦鉞

亦題前事要因捌閘之舊址均築伍壩之新  
制就於其旁各置減水閘壹座於內打造剝  
船蓋造官房收貯糧米次第運至大通橋其  
朝陽關原有舊河壹道今已築為城壕應否疏  
通等因題奉

聖旨該部看了來說欽此抄出查覆間又該巡按  
直隸監察御史向信題稱大通橋至通州壹  
帶閘河累議未修今稱築壩蓋房不必置蓋  
每閘轉行漕運衙門打造剝船伍陸拾隻恐

緩不濟事或暫令張家灣河西務壹帶居民  
聽其造船覓利等因本部已經議得陸路運  
至太倉不過肆拾伍里車運脚費雖多壹日  
可抵倉內船運脚費極省至大通橋下亦當  
陸運約肆伍里必須車羸裝駝方得抵倉所  
以近橋須立廠蓋房堆候車羸亦當預處且  
自張家灣即入開河經開叁肆方抵通州近  
該叅將王佐處置運船俱由大河直抵通州  
城下或者又謂城北置創壹閘可省前項肆

閘雖為捷徑但河勢地形高下須相度停當方可舉行等因覆奉

聖旨是欽此已經通行勘議去後近查得嘉靖伍年參月內該總督漕運都御史高友璣總兵官楊宏各題修治道路以便運餉事張家灣至京城朝陽關外運道陸拾餘里高下不平先因雨水衝坍車輿負載米糧俱遭陷溺乞要戶工貳部計議早起人夫差官設法填墊或欲開河設填疏通船隻水陸併行等因又



經議擬覆奉

聖旨是戶工貳部便差能幹屬官壹員前去會同  
巡城巡倉等官督率府州縣應管人員相度修  
理務在早完以便糧運開運事且罷欽此已經  
通行委官行勘修理間緣夏秋時月雨水連  
綿道路泥濘車不得行反為運道之阻合無  
查照先年運官萬表所議量撥軍夫隨處填  
墊特目前量時之急等因覆奉

聖旨是欽此已經轉行提督漕運總兵官楊宏貴

撥軍夫填墊外今該前因通查案呈到部臣等會同戶部尚書鄒文盛等議得巡按直隸監察御史吳仲題稱通州開運屢議而竟無成及考諸志典籍乞照先年節次題覆事例壹併議處就著巡倉御史會同該部管開修倉主事兼理開運量支修倉餘剩巡倉贓罰并所省脚價民財民力壹不妄費如果可行就將省下脚價蓋房造船築堤展河次第舉行壹節為照前項河道屢經建議俱未成功

今本官歷陳先代之故事慮及間道之危機  
省費轉輸皆有所據但河道形勢難度財力  
所需浩繁事體重大相應勘處停當方可舉  
行合無俟

命下之日戶部選委屬官壹員與本部管閘修倉  
主事會同巡倉御史親詣各閘踏勘形勢高  
下計料所費工力除各閘壹應椿板等項應  
合增置船隻修房築堤及河道淺窄處所作  
何挑濬及將上源水勢向背地里遠近可以

疏引水歸故道及照大通橋抵倉亦合另設  
陸運作何處置各項合用工料錢糧所奏修  
倉餘剩巡倉贓罰及所省脚價有無設用務  
從長便經久可行逐壹會處停當通將勘過  
河道高下及所計工程畫圖造冊回報以憑  
會

請裁奪若或有礙亦要明白開呈勿致中止虛費  
財力其所議通糧全輸京倉以興無窮之利  
以杜意外之虞姑候修河畢日另行會處等

通志卷之七  
三  
因奉

聖旨修濬閘河委係轉漕便利至計永樂年間已  
有成筭後乃因循不曾舉行近年屢議修復皆  
為附近貪利之徒所阻亦因大臣不肯任事小  
官從事虛文見今東南民力困竭漕運軍士疲  
敝苟有寬省之策豈可因循不為著戶工貳部  
各委堂上官壹員會同漕運總兵叅將拜原經  
委錦衣衛都指揮王佐及今舉奏這事御史吳  
仲等親詣彼處地方稽查先今議處事宜踏勘

地形高下計集所費工力究竟修否得實利害  
明白具奏定奪大事可成則勞費不足計國計  
有補則浮言不必恤若姦豪之人恐妨已利故  
為騰謗撓阻聽緝事衙門訪拏究問欽此隨該  
各部覆題節奉

聖旨著王軌何詔去欽此各欽遵備咨到臣等欽  
遵隨會同漕運總兵官楊宏叅將張奎錦承  
衛都指揮王佐御史吳仲除永樂年間事體  
卷案不存無憑查考外稽查得先年節該諸

臣奏建閘河壹事俱該戶工貳部查議題覆  
修濬或因工程浩大暫止或欲候待豐年暫  
停或為勢要罔利之徒所阻以此俱各未見  
成功臣等議照漕運糧儲

國家大計容受之多車不如船陰雨之行陸不  
如水舟車並進脚價倍省此閘河之所以不  
可廢也自大通橋起至通州白河止閘壩規  
模具在修濬必可通行前代君臣尚能興舉  
其事舳舻直抵海子今之閘運止於般剝而

復屢行屢止者固由勢要姦徒罔利所阻亦  
由地形漸高流沙淤塞大通橋至白河僅肆  
拾里其地形高下相去陸丈有餘使其不計  
多費錢糧大興工役開深堦丈再加廣濶水  
勢就下通引白河則運糧大船直達京城而  
諸閘可以不用固永久之利也但工程浩大  
切近

都城不敢輕議為今之計只應循照舊規修濬  
河閘臣等



陞辭之日自大通橋沿河逐閘踏勘形勢大畧此時閘門洞開初冬水涸流波尚且不絕若各閘皆閉水盈可待至通流閘坐于通州舊城之中經貳水門南浦土橋廣利參閘市井輻輳之地兩岸居民閹閹鱗集櫛比般運糧米大為不便看至本城西門白河之濱舊有小河通過城北壹面中有舊廢土壩地基西不壹里至今堰水小壩議須挑濬河身因舊壩添築高濶多用椿木執石甃砌平時集水行

舟水大聽其漫流而過由此徑達普濟閘可  
省肆閘兩關般運之難閘壩相去寫遠合添  
設閘官吏貳員名閘夫拾名分管普濟通流  
貳閘看守新壩以防盜決乃會委戶部坐糧  
員外郎范韶工部修倉主事周朝著管閘主  
事魏良輔公同順天府通判何棟通州知州  
曹俊及通州等衛指揮等官分投各閘并舊  
壩地方踏勘丈量應該修濬築壩去處計工  
估費行據各官呈報會計得修理閘座挑濬

河身築砌新壩合用工料價銀大約壹萬兩  
自新壩起至慶豐閘計般運伍處每閘各用  
剝船陸拾隻共船叁百隻每隻載米壹百伍  
拾餘石日運米約有壹萬石船隻造于漕運  
衙門口袋出于包運經紀人夫聽其雇覓搞  
簞隨其本船置造船隻每隻計該價銀叁拾  
伍兩叁百隻共銀壹萬伍百兩造完至日交  
付般運經紀人等每名管領壹隻時常看守  
損壞修理其原借官銀仍令每年腳價銀內

扣除拾兩還官參肆年間可以還足每船每  
開議定船運撐挽腳銀壹兩開壩伍處共銀  
伍兩自大通橋馬頭登岸合用小車驢羸裝  
載般運每船糧貳百石議定腳價銀陸兩每  
糧壹石常年陸運原費腳價銀壹錢今止用  
銀伍分伍釐可省肆分伍釐通計貳百肆拾  
萬石京倉糧米可省銀共拾萬捌仟兩若使  
皆由開運切恐糧多船少船運稽遲反致有  
悞晴日路乾聽車輛壹面照舊載運水陸並

進則漕運官軍完糧之日可得早回月餘預  
兌下年糧米陸運羸車責令徑赴西倉開運  
小車驢羸止令運至東倉遠近均便為照大  
通橋地方窄狹人煙輳集恐妨起陸若於慶  
豐閘下登岸運糧又省貳閘般運勞費亦合  
聽從立法非難而難於守法任人非難而難  
於得人苟非其人則法雖善亦不久而廢矣  
今後合無戶工貳部暫添選委郎中或員外  
郎各壹員兵部推選曾經漕運練達老成勤

能都指揮壹員查照先年事例用克叅將住  
劄通州專管輕齎銀兩修理閘河般運糧米  
給散腳價及管天津以北催僨糧運仍各會  
同巡倉御史俱領

勅行事嚴督選委府衛州縣的當幹濟官員雇募  
人夫并通州等衛遮洋運糧軍餘共壹萬名  
分工限日作急修理築濬務在堅完糧運若  
到各官分按閘壩坐守督運禁革姦弊閘運  
通行之日奏

請取回量加擢用每閘壩各造官廳叁間廠房貳拾間兩岸修築馬頭地方泊船般運剗平沿河牽路便於行船官廳即今起蓋廠房以漸續成工料腳價查借見在修倉餘銀貳阡兩巡倉衙門賊罰等銀壹阡兩漕運衙門今年改撥通州收糧扣除腳價銀肆阡伍百餘兩如有不足另借太倉銀兩應用待後省出腳價餘銀逐壹補還閘版木料甃石工部各廠取用如或不敷官銀買辦又訪得糧運入倉

多被門官歇家伴當光棍人等請留糧袋索  
要錢銀乞

勅廠衛并西司房緝事衙門巡訪拏送法司照依  
打攪倉場事例問擬枷號發遣充軍庶漕運  
疏通錢糧節省如此則開運壹事有利而無  
害有得而無失可為世守之法而大造軍民  
之福矣再照通州京輔之地兩城夾固叁倉  
豐儲居集萬家守以伍衛亦當積蓄以安人  
心不宜過慮般運自起驚疑及查河源之水



出于西山玉泉由海子經流

大內玉河而出沿城至大通橋其間事理或時之  
旱澇或流之巨細啓閉通塞又非外人所能  
與者前項節財興利事情幸賴

聖明御極廟堂力主于上百執事奔走于下董事  
興工何有不濟

欽命臣等會同查議明白今將修濬閘河畫圖貼  
說壹本進呈

御覽伏乞

聖明定奪勅下該部再加詳議如欲舉行起時地  
未寒凍擇日興工若至水堅停止來年正月月  
天煖土融隨即繼工務在肆月工成不悞糧  
運緣係計處

國儲以永圖治安及節奉

欽依著戶工貳部各委堂上官壹員會同漕運總  
兵叅將并原經委錦衣衛都指揮王佐及舉  
奏這事御史吳仲等親詣彼處地方稽查先  
今議處事宜踏勘地形高下計筭所費工力

究竟修否得實利害明白具奏定奪事理臣  
等俱未敢擅便等因奉

聖旨是修濬通惠河乃前人遺跡

先朝成筭近年屢議修復輒為姦豪射利之人所  
阻今閘壩具存河渠無礙原設官吏夫役俱各  
見在你每今所議處尤為簡易合用錢糧不多  
且車舟並進不失車脚之利壹應疏濬盤剝修  
閘造船等項事宜都依擬施行然政之修舉必  
在得人兵部便會戶部推舉曾歷漕事練達老

成都指揮壹員照例充叅將通州住劄照舊驗  
收輕齎銀兩兼理修河事務吏部仍會戶工貳  
部推有才力肯任事郎中貳員并通州巡倉御  
史各寫勅與他行事未盡事情聽該部并各官  
從宜處置事體重大者具奏定奪今冬先將木  
植執石等項置辦整理待來春融煖之時興動  
土工委用官員務要用心協力共成大功勿得  
偏執違拗妨悞經國大計責有所歸欽此

嘉靖陸年拾壹月拾叁日

巡按直隸監察御史等官臣吳仲等謹

題為計處

國儲以永圖治安事臣欽奉

勅監察御史吳仲國家漕運仰給東南裏河自真揚直抵張家灣閘壩洪淺具有成規惟通州地方距京城纔伍拾餘里車挽之費動至鉅萬每或不給未免稱貸償完運軍之疲敝日甚江南之加耗歲增先年臣下建白以通惠河乃前代遺蹟

先朝具有成筭成化年間以來屢嘗修濬運糧船隻曾直抵慶豐閘下乃為異議所撓事遂中止其後節嘗興舉亦皆惑於姦人橫議迄無成功近日廷臣有以為言朕命戶工貳部侍郎會同漕運總兵叅將等官及原經委用修濬河道錦衣衛都指揮王佐等前去踏勘議處各官回奏朕叅詳始末事情今閘壩具存河渠有水原設官吏夫役俱各見在各官所處運糧大船雖未能直達剝船轉搬亦可省費拾之叅肆因舊修

濬隨宜幫築合用錢糧人力不多且夏秋晴爽之時水陸並運不失車脚之利糧船過盡商民船隻亦可通行若處置得宜委的有益無損經久利便已允所請施行今特命爾同戶部郎中尹嗣忠工部郎中何棟會同叅將都指揮僉事陳璠親詣沿河壹帶查照該部原覆各官勘處事宜著實用心整理應修工程合用錢糧雇募人夫并起撥通州等衛遮洋運糧軍餘及禁革姦弊等事悉依原擬各該府衛州縣訪有能幹

的當官員爾等會委差用不許抗違阻撓今冬  
辦料計工區畫停當來春融煖之時擇日興動  
土工凡各項事情有該載不盡者仍聽該部并  
爾等從宜處置事體重大者具奏定奪此係經  
國大計爾等務要用心協力共圖成功勿偏執  
自用勿違衆立異亦勿苟且粗略取辯目前壹  
勞永逸以為深長久遠之圖斯稱委任工完具  
奏朝廷委官閱實尚加擢用以旌爾能如或因  
循玩愒徒費工力無益於事責亦難逭爾其勉



之慎之故勅欽此欽遵臣等深愧匪才叨膺重  
託受

命以來日夜憂懼恐孤任使自本年貳月初肆日  
起沿河往來親督委官夫匠將大通橋至通  
州壹帶河道橋梁閘壩堤岸官廳廠房俱已  
修濬蓋造完備蓄積水利分布剥船交盤糧  
運通行無阻此皆仰賴

皇上剛明獨斷克有成功臣等身歷此河頗知功  
之難成竊念時之難遇即今雖已通行持久

恐將廢阻謹陳愚得用條事宜伏乞

聖明特勅該部采擇處分務使河道長通

國儲永賴以成萬年之利臣等不勝幸甚為此  
具本差攢典張鑑親齎謹題請

旨

計開

壹時修濬以通運道臣等切照大通橋

起至通州石壩肆拾餘里地勢高下

肆丈有餘中間設有慶豐等伍間蓄

積水利臣等督土修濬今已行船運糧無阻但地勢陡峻土皆流沙猶恐夏秋天雨河流暴漲堤岸河身不無衝決淤塞若不預處恐難經久如蒙乞

勅該部行令管閘主事時常沿河往來巡視壹遇堤岸水口衝決河道淤塞隨即率領官吏閘夫挑濬補築晝夜撥人看守毋致盜決仍將閘運扣省腳價銀內

每年量支壹阡兩通州寄庫遞年聽候管閘主事將前銀兩雇覓人夫置買樁料乘暇興工量其衝決淤塞處所重加修濬如銀兩不足再行具數奏討如此庶成功不廢而運道永通矣

壹專委任以責成效臣等切見張家灣至真揚壹帶河道置立淺鋪僉設夫老附近府州縣各有管河官員分治

又有管河郎中御史等官總理至於  
設閘處所俱有主事專管坐守是以  
河防政務僅無廢墜今都城之下大  
通濶河北之他處尤為緊要止設主  
事壹員又兼管別事不無妨廢如蒙  
乞

勅該部計議令無將管閘主事照依濟寧等處事  
例通州住劄不許入京專令督理河  
道不許兼管別事通州添設管河同

知或判官壹員專管修理大通橋起  
至鮮魚閘止河道其合用錢糧將每  
年扣省腳價銀內支用與凡應行等  
宜及委用官員俱聽管閘主事處分  
其有盜決水利阻壞糧運之徒亦聽  
舉問重治仍乞

勅戶部每年參月初旬差委郎中或員外郎壹員  
請

勅壹道通州任劄會同巡倉御史沿河往來催儆

天津以北糧運驗筭輕齎銀兩待糧完日造冊奏繳如此則職任專壹而效可責成矣

壹復舊額以添官夫臣等看得大通關河原額設官肆員吏肆名閘夫陸百柒拾肆名後因糧運不行止存官壹員吏壹名看守閘座續又因接運事添增夫捌拾名每名河南等處州縣徵銀柒兩解部雇夫專管運送

內府衙門竹木等料閘運停止無事修濬啓閉  
官吏夫役因此革少即今幸賴

聖明修復閘運前項官夫似不可少如蒙乞

勅該部查照舊額量添閘官壹員吏壹名分管其

閘夫量添壹百名與同見在壹百捌

拾名分布各閘不許雜差占役專力

啓閉如遇堤岸河道少有淤決官吏

率領各夫併力修濬其餘外夫捌拾

名原係接運事合無再加詳議將原



徵解部銀共伍百陸拾兩不必雇夫  
收貯在庫待候南京歲運竹木等料  
至日本部驗實每運量給銀兩令經  
收

內府衙門官壹員領出自雇車脚通州陸運不  
許入閘庶閘夫不致重累又運船與  
木料兩不相妨如此則閘運易舉而  
夫役不擾矣

壹改閘座以防水患臣等看得夏秋久

雨西山水發皆由閘河東流閘門隘  
小水泄不及遂致泛漲衝決堤壩勢  
所必有此出不測非人可為原議障  
水石壩今已修成又通流閘在通州  
城中市井環繞積水丈餘又西水關  
久浸水中俱非常便必須將慶豐上  
閘平津中閘拆運通州西水關外創  
造石閘壹座將前石壩南移貳拾餘  
丈改造石閘壹座平時閉版積水壹

遇水發即啓版泄水深為兩便但今糧運已行措工不及如蒙乞

勅該部再加斟酌如果於事有益待糧運完日行令管閘主事會同漕運衙門把總部指揮壹員陸續辦料如法改造如此庶事得經久而水患可免矣

壹處剝船以便糧運臣等看得原議漕運衙門打造剝船叁百隻每隻原定價銀叁拾伍兩共銀壹萬伍百兩今

已分布各閘責令經紀張鑑等壹百  
貳拾名領運將經紀名下腳價銀內  
每年扣出叁仟兩在官抵作船價計  
叁年半扣完其船遞年修艙經紀自  
備若損壞不堪撐駕仍將前扣船價  
發漕運衙門打造照前給領扣除庶  
不誤事又每閘該船陸拾隻每隻載  
米壹百伍拾餘石每日可運米貳萬  
餘石自伍月起至玖月終止糧運續

到計有壹百伍拾日中間縱有陰雨  
阻滯則每年京糧不過貳百伍陸拾  
萬石亦可盡入閘運不難矣臣等已  
運過米拾柒萬餘石即此可驗若以  
後妄生浮議多方阻撓以致糧運遲  
滯蓋由接管官員不肯任事非河之  
弊臣等之責也如此則事體歸壹而  
糧運無虞矣

嘉靖柒年伍月貳拾貳日具題次日奉

聖旨開濬通惠河

先朝屢經勘議修理未得成功吳仲何棟尹嗣忠  
陳璠等不出參肆箇月工程就緒糧運通行勤  
勞可嘉還照前旨差科道官各壹員前去閱視  
回奏以憑旌獎其餘合行事宜工部便照各官  
奏內事理議了來說欽此

嘉靖柒年伍月貳拾柒日

巡按直隸監察御史臣吳仲謹

題為計處

國儲以永圖治安事臣奉

命整理通惠閘河除工完會本具

奏外臣身歷河事始知成功不易持久為難先

年所以屢行屢止者有以也若不添設專官

坐守閘壩隨時修理未免淤塞崩潰終當自

廢萬壹張家灣射利之徒寅夜偷掘壹閘壹

壩可使萬夫之勞千金之費壹夕委諸泥沙

是上負

皇上獨斷之明下負輔臣贊襄之力而臣之罪始  
不可追謗始不可破矣臣看得工部郎中何  
棟才猷出衆智慮超群况身親經歷多所識  
達如蒙

皇上軫念漕艱乞

勅該部裁革原設主事仍留本官督理照例叁年  
壹次更換聽其動支在庫用剩銀兩并扣省  
脚價雇倩軍民夫役挑濬上流改造閘座革



經紀而撥官軍自運去雇役而添閘夫自般  
嚴防山水泛漲法禁盜泄河防隨船帶石以  
包岸逐年種柳以護堤補蓋廠房填墊橋道  
并修艖剝船等項俱聽便宜務為經久其天  
津壹帶河道巡河郎中寫遠罕到全欠疏通  
連年運船起剝艱難亦宜改屬本官壹併整  
理若何棟別有差用亦乞暫留必待新任郎  
中交代接管方許離任蓋此河不可壹日無  
工部之官而工部官實不可壹日離此河也

再照各處河道俱設有有司水利官今通惠  
閘河似不可缺臣訪得通州左衛經歷趙翬  
勤謹詳慎神武中衛經歷岑時勉穎敏精勤  
曾委修河俱肯效力併乞

勅下該部改陞壹員或同知或判官填註通州專  
管河道庶大小各有所司而上下方成體統  
矣其督運官壹節賴有郎中尹嗣忠多方調  
度稍有次第但立法之初事多紛擾人未慣  
習乞照侍郎王軌等題

准事理仍留本官坐守催督終始其事以後年分  
恐亦不必專設每年貳月請差郎中或員外  
郎壹員前去會同工部郎中巡倉御史督運  
完日回京似為穩便又輕齎必責之憲臣而  
弊除河道必責之水曹而事舉叅將之官恐  
不得常如陳璘之練達老成反政出多門而  
紛更矣但將來剝船編入漕司改軍自運必  
須設有專官方為久計乞

勅該部從長計處或待漕運會議定奪非臣所敢

輕議也雖然設官易任事難前項官員若不  
分住公署著實用心幹辦但高坐京師奔走  
人事祇以文移從事則開運決然不久而冗  
員真為徒設矣臣過慮之私壹得之愚又不  
敢不盡言而預告之也等因奉

聖旨工部看了來說

嘉靖柒年陸月初貳日

工部左侍郎臣何紹等謹

題為計處

國儲以永圖治安事該都水清吏司紫呈奉本部送工科抄出工科等衙門左給事中等官黎良等題該工部手本該本部題都水清吏司案呈奉本部送於工科抄出

欽差巡按直隸監察御史等官吳仲等奏奉聖上開濬通惠河

先朝屢經勘議修理未得成功吳仲何棟尹嗣忠

陳璠等不出參肆箇月工程就緒糧運通行勤  
勞可嘉還照前旨差科道官各五員前去閱視  
回奏以憑旌獎其餘合行事宜工部便照各官  
奏內事理議了來說欽此欽遵抄出送司案呈  
到部嘉靖柒年陸月拾貳日該本部覆題奉  
聖旨是欽此欽遵備行到科該工科都給事中張  
嵩具題本年陸月拾陸日奉

聖旨著黎良去欽此續該都察院太子太保兵部  
尚書兼本院左都御史李承勛等具題亦為

前事本年陸月貳拾日奉

聖旨著劉模去欽此臣等俱於本年陸月貳拾柒

日早

朝辭畢前往大通橋駕小舟而行經慶豐上下  
貳閘平津上下貳閘至普濟石壩而止每閘  
及壩皆捨舟步履逐壹閱視凡其甃石之甃  
結木版之啓閉河水之盈縮蓄洩皆諮詢而  
講求之以至於臨閘有廳棲糧有房障隄有  
椿跨岸有橋遠近相望聯絡不絕其剡船分

布於各閘候者鱗次行者魚貫由通州而抵  
京倉可朝發而夕至具見御史吳仲郎中何  
棟尹嗣忠參將陳璠等官仰體

皇上勵精圖治之盛心故能同心協力通變宜民  
不費時日而克有成效

君令臣行人存政舉固如是夫臣等聞衆口鑠金  
積毀銷骨市虎成於參人投杼起於屢至使  
當建白之初而或生壹橫議垂成之際而復  
間以讒言則今日之事去矣謂仲等何哉臣



等又聞立法固難而守法亦難昔蕭何定制  
較若畫壹得曹參以守之治清淨而民寧壹  
此先漢之所以興隆也今運道之通寔類於  
此伏望

皇上自今以往命官必求其人任人必專其事使  
運道旋淤而旋濬閘壩隨損而隨修凡豪右  
之強梗者必置之法盜賊之竊發者必正之  
刑使得以展布其謀猷而不拘牽於聞見則  
百姓可與樂成漕運可以長通而壽

國脉保元氣於有永矣緣係計處

國儲以永圖治安及奉

欽依閱視回奏事理未敢擅便為此具本題奉

聖旨工部看了來說欽此抄出送司案查嘉靖陸

年玖月內該巡倉御史吳仲題前事該本

會同戶部議擬合無戶工貳部添選委官

中或員外郎各壹員兵部推選曾經漕運練

達老成勤能都指揮壹員查照先年事例修

理開河仍會同巡倉御史俱領

勅行事糧運若到各官分投閘壩坐守督運通行之日奏

請取回量加擢用等因題奉

欽依備咨吏部選註戶部郎中尹嗣忠本部郎中何棟兵部推選都指揮陳璠及巡倉御史吳仲俱領

勅前去整理續於今年陸月內該御史吳仲奏報工完糧運通行等因覆奉

欽依議擬題

准通行差委科道等官關視去後今該前因案呈  
到部臣等看得御史吳仲郎中何棟尹嗣忠  
叅將陳璠整理通惠閘河俱有成蹟既該科  
道等官黎良等覈實前來所據各官相應旌  
獎以勵臣工合遵照前

旨但

恩典出自

朝廷非臣下所敢議擬伏乞

聖裁緣係計處

國儲以永圖治安及奉

欽依工部看了來說事理未敢擅便等因奉

聖旨各官修濬通惠閘河糧運通行國計有濟既  
該科道等官覈實具奏宜加旌獎吳仲何棟尹  
嗣忠陳璠各陞壹級吳仲何棟賞銀叁拾兩紵  
絲貳表裏尹嗣忠陳璠各銀貳拾兩紵絲壹表  
裏仍各要照舊用心督理務圖經久勿隳成工

欽此

嘉靖柒年柒月初柒日

巡按直隸監察御史臣吳仲謹

題為議處輕齎銀兩事切照嘉靖柒年漕運京糧壹百玖拾玖萬叁仟捌百貳拾捌石肆斗肆升肆合柒勺柒抄肆撮已於通惠河般運完訖但秋深白河水涸糧船違限到遲壹時起剝艱難除記工挑濬及議發扣省腳價銀伍仟兩解赴漕運衙門打造剝船照例扣除還官其漕運總兵叅將等官若能嚴督各總依期而來相繼般運較之今年決可早完月

餘陸運真可不用矣所有該省腳價等項銀  
兩比照嘉靖伍年陸年各衛所原造花銷文  
冊扣除山東總孫機下該銀貳仟玖百陸拾  
柒兩陸錢貳分玖釐壹毫江北總劉俸下該  
銀壹萬肆仟柒百柒拾玖兩捌錢捌分捌釐  
捌毫王讚下該銀陸仟肆百柒拾壹兩伍錢  
叁分貳釐肆毫陸絲

中都總丁鉞下該銀壹萬捌百陸拾貳兩壹錢  
陸分玖釐貳毫江南總王憲下該銀柒仟玖

百玖拾 肆兩肆錢肆分貳釐玖毫徐珪下該  
銀捌阡伍拾伍兩貳錢叁分捌釐肆毫南京  
總王端下該銀壹萬壹拾貳兩玖錢伍分叁  
釐柒毫潘壘下該銀玖阡伍百玖拾肆兩捌  
錢伍分叁釐玖毫浙江總楊和下該銀貳萬  
陸阡肆百壹兩陸錢玖分叁釐叁毫湖廣總  
程鵬下該銀柒阡伍百壹兩伍分肆釐貳毫  
江西總張鸞下該銀捌阡柒百肆拾陸兩捌  
錢壹毫共該銀壹拾壹萬叁阡叁百捌拾捌



兩貳錢伍分陸釐陸絲已經題奉

欽依陸續解送戶部收貯節據把總等官王端等  
各呈稟前項銀兩相應照數扣除還官但還  
軍疲敝乞要寬減壹分以霑新河之惠等因  
到臣與臣所見相同但係干錢糧豈敢遽為  
輕重况壹應

恩典俱當出自

朝廷伏望

聖慈矜憫乞

勅下該部詳議將前項應扣腳價量給叁分之壹以濟其艱以厭其欲使知

隆恩曠典真出尋常萬萬矣再照各總輕齊多有不均并以後扣免之數相應酌處以為久計合無候明年漕運至日將山東總壹陸銀免扣江北等柒總貳陸銀每石扣銀叁分浙江等叁總叁陸銀每石扣銀伍分總計每石止扣銀叁分比之今年實免叁分之壹且為均平之制行之壹貳年如果開運可久以後

年分該扣之數相應扣減歲漕加耗以少寬窮民如此庶軍民均霑實惠而閘運不為徒行矣惟復止照今擬扣收貯庫聽候別項支銷并修閘挑河等項支用又在臨時斟酌非臣所敢輕議而逆料也等因奉

聖旨該部看了來說欽此

嘉靖柒年拾月初柒日

乞修河道以便轉運事

嘉靖元年冬月拾玖日巡視通倉監

向信題臣竊惟

京儲仰藉於漕運漕運寔利於修河但修復之  
計不難於言而難於行該部奉行不難於題  
覆而難於責效故晉之時富平津河橋久議  
不決至杜預始成武帝臨會舉杯勸杜預曰  
非卿此橋不立預曰非陛下聖明不成當時  
以為美談今

聖明御極百度壹新其過晉遠甚在庭諸臣顯顯  
昂昂非無杜預其儔也然今年曰修河明年  
曰修河自成化年間該平江伯陳銳都御史  
李裕雲南等道監察御史薛為學等題正德  
元年又該巡按直隸監察御史楊儀題正德  
陸年又該管閘主事鄺珩題拾壹年又該工  
科給事中翟讚題又該前提督漕運都御史  
臧鳳鎮遠侯顧仕隆題然事屢議而竟無成  
功言雖切而無補轉運是果智不及乎抑亦

因循推移而無心於必成乎臣不可得而知也臣謂創修者固難為力修復者亦易為功今通州至京城通流等捌閘其間閘石見存無事於添派閘夫見在無事於添僉閘官見任無事於添設即今水勢瀰漫無事於疏濬舉而行之特易易耳但每至垂成輒復中止者多以權勢之家有礙地土不利於行繼以罔利之徒有妨生理不便於已閘又多以包用閘夫占恡不發動以勞民傷財為說中間

執見不定動為所惑隨時乾沒誰復究心寧  
使有用之水而置之無用之地寧忍輓運之  
苦而不圖水運之安寧使脚價之費而不惜  
運軍運官虧欠之苦可勝惜哉臣於接管卷  
內查得都察院劄付壹起為修復河道以便  
轉運京儲事又該巡按監察御史秦鉞題續  
奏臣等與書李遂等覆奏奉

去御史秦鉞以事滿代事竟不聞舉行該部  
不聞復議是亦前日修河之說也臣巡視通  
倉竊見今秋糧運又到即今不行預處臨期  
何濟轉運前此之議者首事之初曰築伍壩  
築必傷財臣愚以為不必築也曰置戕水閘  
置必勞民臣愚以為不必置也曰各壩起蓋  
房屋蓋必重傷財力臣愚以為不必蓋也但  
以各閘口下每閘查有版不足者或有版不  
堪者就於各抽分局內查取見在版木或添



伍柴塊則水可深伍柴尺加捌玖塊則水可  
深捌玖尺水大漫則流而不壅水小竭則聚  
而不洩每閘轉行漕運衙門打造剥船伍陸  
拾隻恐緩不濟事或暫令在張家灣河西務壘  
帶居民聽其造船覓利定以閘口編以班次  
其各船合用布袋貳叁百條令其自備其合  
用脚夫俱在臨期斟酌責令船頭給價雇覓  
務米至倉而後袋可給必不足數而後人可  
回輪番裝載以次挑運事無大小悉聽叅將

王佐隨宜區處其原僉謂夫止令閘官督率  
守閘加減版木隄防水勢中間若有假託勢  
要名色行使別項船隻阻占閘口包攬船袋  
侵奪財物等項聽科道官及叅將王佐等舉  
劾重治行之既久勢若偈利至於築壩蓋房  
等項方議舉行亦不難處又果天晴不雨道  
無泥濘船價脚價畧相等分聽其自便水陸  
並進尤為全妙臣查得正德拾伍年春夏間  
叅將王佐催督運船由張家灣至通州東城

下灣泊運入通倉就省脚價銀壹萬餘兩

謂今日若果由此轉運則壹年所省不知幾  
拾萬兩臣又查得近年營建大木工部侍郎  
趙璜曾將大木入河直抵大通橋滔滔無阻  
節力甚多叅將王佐亦曾親臨開口小試利  
船屢試屢利畧無窒礙此明效大驗人所共  
知況今趙璜見任工部事猶未遠叅將王佐  
見蒙取回輕車熟路又其所長此誠壹大機  
會也亦

國家之利運官運軍之幸也失此不為無復可  
為矣伏望

皇上天語叮嚀

勅下貳臣并管理河道官各殫心力各竭智能務  
要克期就緒毋徒再付空言其添版造船製  
袋覓脚等項悉聽該部從長區處覆  
奏但在有裨漕運不妨有拂權豪則屢

朝議之而不定者今日始定屢

朝議之而不行者今日始行抑亦

新政之壹事京儲之遠猷其節軍之力節軍之財  
國家之利莫大矣

碑記

改修慶豐石牓記

宋聚

牓於字為閉城門具或曰以版有所蔽近代  
水監官廚之以時蓄泄因水行舟世祖皇帝  
至元貳拾有貳年前昭文館大學士知大夫  
院領都水監事臣郭守敬圖水利奏昌平之  
白浮村導神山泉西山水合馬眼泉諸水為  
渠曰通惠河貫京城迤運出南水門過通州  
抵高麗莊之牓為里貳百視地形創為牓附

岸壁及底皆用木凡貳拾肆慶豐其堂也後  
貳拾年當至大肆年諸牖寢腐宰相請以石  
易為萬世利且請度緩急後先作則工不迫  
工不迫則周且固仁廟勅准有司以次第舉  
由是至順元年始及慶豐遂役都水少監王  
溫臣率其屬分督程作董役士卒暨土木金  
石之工集有伍百伍拾輸木萬章鐵以鈞計  
凡捌百有奇石材叁仟貳百鈹甃灰葉他物  
每筭築其縱長百貳拾尺叁分長之貳為衡

廣高貳丈濶容貳丈貳尺經始於是年叁月  
之望粵陸月拾伍日告成繩規中度完好緻  
密公私善之明年春監丞阿禮張宗顏述是  
役之為日久近牖之喬卑長廣靡費物料幾  
何創始改作之緒及工之勤利之美求職以  
文予復之曰此世祖開物成務羣策畢舉也  
仁廟克成先烈措注宏遠功不百倍不改作  
也臣下莫不奉行惟謹此事理之著者也記  
是誠宜然予疑是牖之始命名為役與創始



之歲果豐歟或示微意於後世歟惜莫可得  
而知何也牖非事游觀蓋經營國計民俯仰  
以給者猶必待豐而後作矧他役乎抑果作  
於豐年則後不敢妄興民不敢苟勞財不敢  
徒費章章矣因其役併原其名是為記

中書右丞相領都水監政績碑

歐陽玄

中書右丞相定住公自居平章首席既而陞  
左相又陞右相被命領都水監事至正癸巳  
之正月迄今數年之中濬治舊規抑塞新弊  
水政大修都水監長貳賓佐共其實蹟請于  
翰林歐陽玄文其事于石以貽後世玄曰丞  
相上佐天子下理百官日綜萬幾朝野政務  
莫非相業所經綸也奚獨於水政而紀述乎

其長貳賓佐進曰我國家之置都水也始於  
世祖皇帝至元貳拾捌年之辛卯丞相完澤  
實倡其端當時聖君賢相為慮甚周為制甚  
密導昌平白浮之水西流循西山之麓會

眼等諸泉潄為染里東流入自城西水門匯  
積水潭又東並宮牆環大內之左合金水河  
南流東出自城東水門又潄水之陽南會白  
河又南會直沽入海凡貳百里是為通惠河  
置閘貳拾有肆跨諸閘之上通京師內外經

行之道置橋百伍拾有陸閘以制蓄泄橋以  
惠往來乃即運糧提舉司車戶阡肆百伍拾  
有壹隸監專治其事閘與橋初置以木仁宗  
皇帝延祐中易木以石次第而械之命閘戶  
學為石工木鐵煉堊皆習其技歲械壹閘工  
與費若干有司會其凡而籍之歲以為常約  
歲若干諸閘皆石壹切工役取具閘戶不擾  
而集國計之不匱民用之不乏皆利賴焉近  
年有司擅以閘戶抑配配各驛以給驛至元

延祐以來祖宗之良法美意日就蠹壞今右丞相以聞有旨復還郭士英若干戶餘州縣之侵軼開戶者悉禁絕之他戶有避徭役之類仍因而亡者咸復其舊故得水利不隳漕法不滯有關國計民用甚重也且通惠河之將入海也衡漳貫之溯漳西南涉瀛博之埜南至於臨清堂邑之壩過壩而南為會通河盡豫兗青徐肆州境上之水入河絕淮至大江而止貳河相通其為水利博矣有若京城

西之金口下視都邑水勢如建瓴壺蟻穴之  
漏則橫潰莫制守堤吏與閘戶晝夜分番邏  
視不瞻則借兵士於樞密所係尤重故水政  
之修閘戶之復丞相有功於斯甚大可無紀  
述乎玄聞其言乃考古而徵今水在唐虞為  
澤虞在成周為川衡西漢太常太司農少府  
內使主爵都尉皆置都水長貳武帝置水衡  
都尉成帝置左右都水使者東漢改置河堤  
謁者晉改都水臺又置前後左右中伍水衡

以伍使者領之劉宋置水衡令蕭梁改為大  
舟卿宇文周置都水中大夫隋置都水臺使  
者尋復置監少監又改令少令唐沿革不壹  
或稱都水局或稱司津監或稱水衡監或置  
使者或置都尉趙宋為都水監置判監同判  
及丞主簿等員大抵掌川澤津梁渠堰陂池  
之政兼總舟航桴筏之筭就司其政以充用  
故漢太常諸卿各有水衡盡征其入給俸祿  
所稱水衡錢是也聖代捐國家之厚費以利

天下而秋毫不征其資視古之都水有不可  
同年而語者矣且歷代建都秦漢唐多都雍  
州阻關陝之險漕運極艱用水極少其後有  
都洛陽大梁亦不迺濬洛入汴淪汝蔡入淮  
而已我元東至于海西暨于河南盡于江北  
至大漠水涓滴以上皆為我國家用東南之  
粟歲漕數百萬石由海而至者道通惠河以  
達東南貢賦凡百上供之物歲億萬計絕江  
淮河而至道會通河以達商貨懋遷與夫民



生日用之所湏不可悉數貳河沂沿南北物  
貨或入或出徧天下者猶不在是數又自崑  
崙西南水入海者繞出南詔之後歷交趾關  
婆真臘占城百粵之國東南過流求日本東  
至參韓遠人之名琛異寶神馬奇產航海而  
至或踰年之程皆由漕河以至闕下斯又古  
今載籍之所未有者也水政之重可不以重  
臣領之乎昔者舜舉拾陸相共治海內禹治  
水土益治川澤今之水政禹益皆嘗司之然

則重臣之典水政唐虞以來之遺意也歟玄  
職在太史紀載為宜右丞相康里氏定住其  
名乃祖乃父參世宿位逮事列聖篤於忠貞  
數從王師戰金捌鄰多積功伐不妄俘戮不  
希寵榮有陰德餘慶施於後人丞相踵之揚  
歷臺閣參拾餘年清慎如壹熟知國家典章  
及居台揆雅量鎮浮坐決大政不徵辭色百  
度自負有古大臣之風焉來求文以紀其蹟  
者都水堃素達邇段定僧少監完澤鐵睦尔

太平奴薛徹篤監丞鎖南滿慈普化沙刺贊  
卜馬兒吉顏經歷山山知事祁師道云系以  
詩曰

國治水官象天玄冥都水有政治國大經  
於穆皇元龍興朔方秉令天壹並牧捌荒  
乃據析津廼建神州囊括萬派衡從其流  
東濬白浮遵彼西山即是天漢流畢昴間  
西挹紫宮南出皇畿又東注海萬派攸歸  
東溟天池若為我濬給我漕輓徑達宸居

河濟淮江陳若指掌我鑿貳渠利盡穹壤  
雖云盡利我則不征損利利民治水水平  
維今右相自董水政舉措不煩戶籍先正  
昔命閘戶習煨習礪捷木膠堊各程其藝  
循甲及壹諸徧徧械歲壹修閘衆藝畢來  
制水有閘通道有梁息耗有則啓閘有常  
夫何閘戶俾役驛廐是求善書遽掣之肘  
相君入告閘戶內復每歲鳩功羣匠來族  
水政既舉國計以滋都人日用源委莫知

彼水在國血脉在身百體輸津五官耑神  
相為股肱水利寔興榮衛不凝股肱宣能  
維相君量彭蠡大野汪洋淵渟安靜整暇  
維相君力底柱龍門捍彼衝貴國之樊垣  
有力斯定有重斯見燮調雍容歲不溢乾  
重華在位禹益作相庶工底績百川是障  
世皇濬渠相曰完澤身先水官相彼原隰  
洵美相君海內稱賢罔彼哲輔專美於前  
陸府參事治先乎水玖敘惟歌作者太史

太史作歌載以龜趺

通志卷下終

工部都水分司題名記

通州設有工部衙門二其一曰廠乃營繕  
分司專以督脩大運倉庾以儲軍餉其所  
由來久矣其一為都水分司則嘉靖七年  
為脩通惠河而設也特置郎中一員以領  
其事例以三年為代奉

勅行事職主通惠河兼管天津一帶漕運河道  
凡閘壩之脩營堤岸之培護水道之疏濬  
咸屬攸司聽得隨宜從事而軍衛有司事



涉河道者統受約束與營繕分司雖所職  
不同要之均為漕運計也嘉靖辛亥余以  
制回籍家居明年壬子夏四月都水正郎  
姚江王君惟中來督河道事一日謁余而  
請曰都水分司之設於今二十有四年矣  
前後司事者若干人徃徃得代而去而無  
所記名今求之則已識忘相半矣所幸年  
未甚久而案牘間有可稽舊吏故役亦有  
存而有記憶者公餘校之積案然之舊人

得前此司事者十有三人及今不為題其  
名籍久之皆將淪沒而無所於考矣茲將  
序其姓名註其任履附以科貫勒之石以  
豎於廳事之左用昭既往俟方來也惟公  
其記之余曾叨二司空且與王君有夙雅  
義不能以不文辭也嘗觀孔子有曰夏禮  
吾能言之杞不足徵也殷禮吾能言之宋  
不足徵也文獻不足故也夫文以事具也  
獻以名存也匪名無以考獻匪獻無以徵

文則文獻乃有國者之不可缺而後世題  
名之制實因以義起者正以備一官之文  
獻以存徵也古者史失且求之野而况建  
有衙署置有官屬行有文檄事事其間者  
乃若逆旅過客往而莫知其名後有考其  
事者將孰從而徵之且事體關乎軍國建  
白起於臺章議擬傳之廷論而裁定斷自  
宸衷雖一方之經營實天下之大計秉史筆  
所必諮也題名惡可已乎是役也關中何

君伯直實經始也費省功倍人至於今日  
之方議生祠以報功德可使久而聞乎  
相繼事者亦多名流時彥度時若功各有  
樹立均之不可沒其名也然何君首事  
務倥偬題名之事固有不遑為者相繼  
可為也而向未之為王君來此視事甫一  
月耳而乃即為之古人所謂事一職而不  
肯苟然為者則其重名義而慎所舉動  
占矣他日見其題名者將曰某君若官

職若職也某幹若事能建若功也而不然者亦將指其名而議之然則題名所係大矣哉余重王君請乃為是以復之若河道修建之顛末衙署隸行之事宜則備載通惠河志茲不必贅也是為記

嘉靖壬子仲秋吉旦

賜進士第嘉議大夫刑部左侍郎前都察院左副都御史郡人潞橋楊行中撰

重修閘河記

國家漕運京儲由裏河自真揚直抵張家灣入京先是元人郭守敬建議開通惠河其水之源委出入元歐陽玄詳記備載政績碑可考也然歲久浸廢於是百數十年來糧運抵灣由陸運六十里始達于京師官軍告憊公家失利而憑勢射利之徒坐得膏潤嘉靖丁亥肅皇帝始用御史吳仲議循守故蹟修復閘河於是舍陸從舟歲漕四百萬石皆自灣由閘

入京省費不貲公私大便但地勢有高下迄  
今歲月既久不無沙衝水擊之患歐陽玄所  
謂勢若建瓴一蟻穴之漏則橫潰莫制司水  
衡者誠不可不隨時修濬而預為之防也我  
皇上御極之二年軫念漕渠重務期在得人遂  
勅使水部郎中崔君來督通惠河事先是御史蔣  
君機有重修開河之議既得

俞旨會郎中呂君藿繼至以改部入未及舉行崔  
君視事之洽旬即遍歷開壩見開口開底河

身堤岸公署勢漸湮圯乃所至下車徒步諦  
觀之又進各役詳詰之毅然曰事無不自因  
循以至大壞極救者茲吾水司事也責也而  
可他諉耶乃悉如御史蔣君議遂消吉興工  
檄州衛屬之才官分董程作而君往來稽覈  
度材審勢孰應滄淺以通派孰應布椿以護  
堤孰應治底以培基孰應更新孰應葺舊罔  
不一一為之殫慮經理期垂永遠人役諸見  
役之衆金取諸庫貯之羨木石取諸厰積之



材不二月而竣事於是自都城以南曰大通  
橋曰慶豐平津上下晉濟通流五閘曰石壩  
曰土壩昔之湮者通疎者密圯者振陋者飭  
費有經莫之靡也成雖速莫之擾也役雖衆  
莫之懟也水政聿修歲漕不滯

國儲大計甚利賴焉噫君可謂無忝於督漕之  
寄者矣然閘河創修於元尋廢於後而必待  
於今日何哉蓋天下無治法有治人當時人  
不皆守敬則狃於恬嬉者罔任勞巧於避嫌

者罔任事視官如傳舍然仍救因陋以迄於  
湮勢固陋也而吳君仲之功非任事如君者  
其孰成之然則天下事豈惟創始者之難而  
守成者亦未易與予祇役通州與君共事常  
督儲五閘之間始見其救旋觀其新曾日月  
之幾何而先後改觀乃兩事之成於果斷而  
廢於因循也其然哉是舉也顧募夫匠共五  
萬四千有奇工價料銀共二千四百兩有奇  
經始於本年三月初二日至四月十八日告

成崔君山東濱州人癸丑進士孔昕其名賜  
谷其別號云

隆慶戊辰孟秋吉日

賜進士第奉政大夫戶部郎中金堂夢竹蔣凌  
漢撰

浙江等處承宣布政使司處州府知府臣吳仲

謹

奏為紀

聖政以攄愚盡事臣嘗備員御史建議開濬通惠  
閘河浮言橫議塞耳填胸雖臣亦不能以自  
信也節奉

聖諭有曰修濬閘河委係轉漕便利至計近年屢  
議修復皆為附近貪利之徒所阻亦因大臣不  
肯任事小官佞事虛文見今東南民力困竭漕

運軍士疲敝苟有寬省之策豈可因循不為大  
事可成則勞費不足計國計有補則浮言不必  
恤若奸豪之人恐妨已利故為騰謗阻撓聽緝  
事衙門訪拏究問又曰修濬通惠河乃前人遺  
跡

先朝成筭近年屢議修復輒為奸豪射利之徒所  
阻今閘壩具存河渠無礙原設官吏夫役見在  
你每今所議處尤為簡易合用錢糧不多壹應  
疏濬盤剝修閘造船等項事宜都依擬施行未

盡事情聽該部并各官從宜處置事體重大者  
具奏定奪務要同心協力共成大功勿得偏執  
違拗妨誤經國大計大哉

皇言壹哉

皇心豈凡庸所能測識哉既而時方肆月費纔染  
千而舳艫啣接於大通橋下京城父老觀者  
還堵漕運官軍歡聲動地臣因竊嘆

聖見之神明

聖政之奇偉壹至此哉臣聞先儒有言曰禹之決

江水也民聚瓦礫事已成功已立為萬世利  
禹之所見者遠也而民莫之知故民不可與  
慮舉始而可與樂成功史起決漳水以灌鄰  
田鄰民大怨欲籍之起不敢出而避之使他  
人遂為之水已行民大得利又相與歌之魏  
襄王可謂能決善矣誠能決善雖詛譁而弗  
為變故中主以啍啍也止善賢主以啍啍也  
立功斯河之舉也若非

皇上操大禹之神兼魏襄之決豈惟河道無成漕

事不舉臣且以此獲罪不知其所矣臣邇者  
前去到任道經通惠河旁追思往事不覺驚  
心第念好事難成而易敗讒言易興而難遏  
日遠人非無所於考跼伏舟次掇拾此河事  
跡編成壹書名曰通惠河志繕寫

進呈伏乞燕閒之暇特

賜清覽

勅下內閣看詳增撰序文仍

命所司刊刻成書或容臣捐俸鋟梓用紀



中興

聖政之盛事少備他日史氏之美談而臣亦得托名於不朽矣但臣原奏之意尚不止此不敢避嫌隱默復冒昧為

陛下陳之臣嘗奉

命究運邊儲因見密雲等處皆有間道可通萬壹  
奸細為之向導輕騎疾馳旋日可至若據倉  
廩而肆燒燬

京師可以坐困所謂借盜兵資寇糧古今大忌

先年土木之變尚書于謙曾議燒通州倉廩  
近年都御史汪鋐亦曾議包築通州于城內  
臣愚實與相同仍乞

勅下戶部備查于謙汪鋐并臣先今奏內事宜會  
同廷臣從長議處先儘京倉空廩次於大通  
橋督儲館後將逐年扣省腳價蓋造水次廩  
座并搬剥船腳之費凡遇大運未到及空閒  
之日陸續搬運來京所謂不勞已之力不費  
已之財隱然潛消莫大之後患亦何憚而不

為哉若曰恐奪通人之利則當全用舊日之  
官吏夫役壹無所紛更裁革於其間彼既不  
失其利而我實未嘗無不利也機貴可乘慮  
當及遠遭遇

聖明千載際時不可不預為之所而苟且因循於  
目前也區區壹得之愚實有未盡不知忌諱  
再犯

天威下情無任拳拳懇誠之至等因奉  
聖旨這所進通惠河志送史館采入會典仍着工

部刊行奏內各等事宜該部還會議停當來說  
欽此

嘉清

拾日